



Broj/Број: 01/7-50-1-7-2-33/06
Sarajevo/Сарајево: 17.1.2006.

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
SARAJEVO

Prilježeno: 09. 03. 2006. g.			
Org. jed.	Br. 1	Prilog	Vrijednost

ZAPISNIK

sa 33-e sjednice Administrativne komisije Predstavničkog doma Parlamentarne skupštine Bosne i Hercegovine, održane u prostorijama institucija Bosne i Hercegovine, dana 17.1.2006. godine, s početkom u 10,15 sati

PRISUTNI ČLANOVI KOMISIJE: Senija Kapetanović, Dušanka Majkić, Mubera Ušanović, Hazim Felić, Jozo Križanović, Momčilo Novaković i Ruža Sopta .

ODSUTNI ČLANOVI KOMISIJE: Mladen Potočnik i Vinko Zorić.

Trideset trećom sjednicom Administrativne komisije Predstavničkog doma Parlamentarne skupštine Bosne i Hercegovine **predsjedavala je Senija Kapetanović**, predsjedavajuća Administrativne komisije Predstavničkog doma Parlamentarne skupštine Bosne i Hercegovine.

Za sjednicu je predložen sljedeći

DNEVNI RED

1. Usvajanje Zapisnika 31-e sjednice Administrativne komisije i Zabilješke od 21.12.2005. godine;
2. Razmatranje Zahtjeva Ljiljane Milićević za prijem u stalni profesionalni radni odnos;
3. Razmatranje dopisa Kolegija Predstavničkog doma Parlamentarne skupštine Bosne i Hercegovine u vezi s interpelacijom poslanika Muhameda Moranjkića;
4. Razmatranje inicijative Kolegija Predstavničkog doma Parlamentarne skupštine Bosne i Hercegovine za održavanje zajedničke sjednice Kolegija i Administrativne komisije Predstavničkog doma Parlamentarne skupštine Bosne i Hercegovine;
5. Dogovor o izradi Izvještaja o radu Administrativne komisije za period 1.7.-31.12.2005. godine;
6. Tekuća pitanja.

Trideset treću sjednicu Administrativne komisije Predstavničkog doma Parlamentarne skupštine Bosne i Hercegovine otvorila je predsjedavajuća sjednicom Senija Kapetanović i predložila dnevni red, te pozvala prisutne članove Administrativne komisije da se izjasne o njemu, odnosno da daju primjedbe, prijedloge i sugestije.

Momčilo Novaković je, pod tačkom AD-6 Tekuća pitanja delegirao, tačku a) Informacija u vezi s isplatom dnevnica i naknada poslanicima koji koriste vlastito vozilo u službene svrhe. Predloženu tačku obrazložio je istakavši da se naknada do sada isplaćivala kad je bilo novca u blagajni, a sad je uvedena praksa da sekretar Zajedničke službe hoće prvo da potpiše naloge blagajni, što niko ne spori s tim da kontrola naloga i ovjera ne bi smjela prelaziti razuman rok, a ne kao što je sada da se čeka i po 30 dana na isplatu navedenih naknada. Zato je tražio da se ova tačka uvrsti u dnevni red današnje sjednice. U vezi s ovim prijedlogom, Momčilo Novaković naglasio je i mogućnost zloupotrebe u medijima kad se nakupljena sredstva na osnovu ovih isplata odjednom isplate na Blagajni Računovodstva Parlamentarne skupštine Bosne i Hercegovine. Zato smatra da Administrativna komisija treba biti upoznata sa ovom problemom da bi mogla razmotriti ovo pitanje i utvrditi razuman rok, od 7 do 10 dana, u kojem bi navedene isplate bile obavljene, pod uslovom da za to ima novaca, jer se na isplatu može čekati duže samo ako u blagajni nema novaca.

Mubera Ušanović je, u okviru tačke AD-2, delegirala da se razmatra i zahtjev Mehmeda Žilića za profesionalizaciju radnog odnosa u Parlamentarnoj skupštini Bosne i Hercegovine.

S obzirom da nije bilo više prijedloga, dnevni red je dat na glasanje s navedenim dopunama. Prisutni su jednoglasno usvojili predloženi dnevni red s dopunom tačaka Ad-2 i Ad-6. Nakon usvajanja dnevnog reda trideset treće sjednice Administrativne komisije Predstavničkog doma Parlamentarne skupštine Bosne i Hercegovine, pristupilo se njegovom razmatranju po utvrđenim tačkama.

AD-1 Prisutni su jednoglasno usvojili Zapisnik 31-e sjednice Administrativne komisije Predstavničkog doma Parlamentarne skupštine Bosne i Hercegovine.

Uvodno izlaganje o Zabilješci od 21.12.2005. godine kao i razlozima zašto se nalazi na dnevnom redu dala je Senija Kapetanović. U vezi sa Zabilješkom, Jozo Križanović upitao je zašto se donosila odluka o isplati naknade za rad članovima Ad hoc komisije za izbor i imenovanje, ako je donesena Odluka o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-188-4a-9/05, od 13. 4. 2005. godine, broj: 01/7,02/3-50-1-188-3-16/05, od 20.12.2005., s obzirom da je navedeno pitanje riješeno ovom odlukom, koju je, prema njegovom mišljenju trebalo samo primijeniti u ovom slučaju.

Dušanka Majkić istakla je da razumije da je navedenu odluku o isplati naknade za rad u Ad hoc komisiji za izbor i imenovanje trebalo donijeti, kao i održati o tom pitanju sjednicu, ali da smatra da nije bilo ispravno držati sjednicu na način kako je to urađeno, pa smatra da se radilo o nezvaničnom sastanku na kojem je donesena navedena odluka koja bi mogla dati povoda da se Administrativna komisija proziva u medijima.

Senija Kapetanović replicirala je i rekla da je saglasna sa iznesenim stavovima pri tome naglasivši i uslove pod kojim je održana 32-a sjednica Administrativne komisije Predstavničkog doma Parlamentarne skupštine Bosne i Hercegovine 21.12.2005. godine, odnosno da je sazivanje sjednice tražio prvi zamjenik predsjedavajućeg Administrativne komisije Predstavničkog doma Vinko Zorić.

U svojoj diskusiji o ovoj tački dnevnog reda Momčilo Novaković podsjetio je prisutne da su na zajedničkoj sjednici Komisije za finansijske i administrativne poslove Doma naroda i Administrativnoj komisiji Predstavničkog doma Parlamentarne skupštine Bosne i Hercegovine donijeli Odluku o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-188-4a-9/05, od 13. 4. 2005. godine, broj: 01/7,02/3-50-1-188-3-16/05, od 20.12.2005., kao i Zaključak, 01/7,02/3-50-1-188-2k-15/05, od 14.12.2005. godine, kojim su Komisije odlučile isplatiti

naknadu članovima Ad hoc komisije za izbor i imenovanje, u skladu s aktima koje usvoje, pa je to i urađeno, s obzirom da su u Vijeću ministara BiH rekli da se ne može automatski primjenjivati akt Parlamentarne skupštine Bosne i Hercegovine već je potrebno donijeti pojedinačnu odluku s imenima članova Komisije, što je i urađeno na 32-oj sjednici Administrativne komisije Predstavničkog doma Parlamentarne skupštine Bosne i Hercegovine 21.12.2005. godine, tako da u suštini nije donosena nova odluka nego su već donosene odluke objedinjene u ovoj odluci koja glasi na imena članova Ad hoc komisije.

U vezi s izlaganjem Momčila Novakovića, Dušanka Majkić podsjetila je prisutne na činjenicu da se i ova odluka našla u emisiji FTV-60 minuta.

Replicirao je Momčilo Novaković rekavši da nije trebalo da bude Zabilješka sa 32-e sjednice održane 21.12.2006. godine, već je trebalo uraditi zapisnik s obzirom da je postojao kvorum i da je odluka donesena u skladu s propisanim procedurom, odnosno da su ispoštovani svi formalno - pravni uslovi za donošenje pravovaljane odluke. Naglasio je da je Trezor uslovio isplatu naknade pojedinačnom odlukom Administrativne komisije Predstavničkog doma Parlamentarne skupštine Bosne i Hercegovine, pa je i to bio jedan od dodatnih razloga za njeno donošenje.

Nakon rasprave o ovoj tački dnevnog reda, prisutni su, sa 6 glasova ZA i 1 glasom SUZDRŽAN, usvojili Zabilješku od 21.12.2005. godine i verificirali donesene odluke, i to:

ODLUKU

I

Seadi Palavrić, poslaniku u Predstavničkom domu Parlamentarne skupštine Bosne i Hercegovine, prestaje stalni profesionalni radni odnos u Parlamentarnoj skupštini Bosne i Hercegovine s danom 6.12.2005. godine, zbog odlaska na drugu dužnost.

II

Odluka stupa na snagu danom donošenja.

i Rješenje, 01/7-50-1-52-3a-32/05 od 21.12.2005. godine, doneseno na osnovu navedene Odluke, koje glasi

RJEŠENJE

Seadi Palavrić, poslaniku u Predstavničkom domu Parlamentarne skupštine Bosne i Hercegovine, prestaje stalni profesionalni radni odnos u Parlamentarnoj skupštini Bosne i Hercegovine s danom 6.12.2005. godine.

kao i :

Odluku

o utvrđivanju naknade za rad u Ad hoc komisiji za izbor i imenovanje

I

Članovima Administrativne komisije Predstavničkog doma Paralementarne skupštine Bosne i Hercegovine: Vinku Zoriću, Momčilu Novakoviću i Hazimu Feliću, imenovanim u Ad hoc komisiju za izbor i imenovanje utvrđuje se mjesečna novčana naknada za rad u navedenoj komisiji.

Naknada iz tačke I. ove odluke utvrđuje se množenjem osnovice plaće koeficijentom 1,

III.

Za realizaciju ove odluke zadužuje se Kolegij Sekretarijata Parlamentarne skupštine Bosne i Hercegovine.

IV

Odluka stupa na snagu danom donošenja, a primjenjivat će se od 1.1.2005. godine.

Nakon usvajanja Zabilješke, Jozo Križanović rekao je da parlamentarna većina bira svoje ljude u komisije i to se posebno vidi kad se radi o zajedničkim komisijama za usaglašavanje teksta zakona koje su uglavnom imenovani članovi parlamentarne većine.

Replicirao je Momčilo Novaković navodeći da ova primjedba ne stoji s obzirom da su poslanici Tihomir Gligorić i Milorad Živković imenovani u većinu navedenih komisija, a oni ne pripadaju parlamentarnoj većini.

AD-2 a) Razmatranje Zahtjeva Ljiljane Milićević za prijem u stalni profesionalni radni odnos

Uvodno obrazloženje uz ovu tačku dnevnog reda dala je predsjedavajuća sjednicom Senija Kapetanović. Pojašnjenje zahtjeva Ljiljane Milićević dao je Momčilo Novaković, koji je upoznao prisutne s prirodom zahtjeva i činjenicom da je imenovana poslanica radila u privrednom subjektu koji je prestao da postoji, pa je potražila i dobila zaposlenje u drugom pravnom subjektu koji joj je odobrio da umiri radni odnos.

U vezi sa Zahtjevom imenovane, Jozo Križanović postavio je pitanje retroaktivne primjene odluke o profesionalizaciji radnog odnosa u Parlamentarnoj skupštini Bosne i Hercegovine.

Odgovoreno mu je da su se odluke uglavnom donosile retroaktivno s obzirom da se sjednice Administrativne komisije Predstavničkog doma Parlamentarne skupštine Bosne i Hercegovine ne održavaju odmah nakon ulaganja zahtjeva tako da se događa da se neka pitanja raspravljaju na Komisiji znatno kasnije, a što uzrokuje donošenje odluka s retroaktivnom primjenom.

Prisutni su, nakon rasprave o ovoj tački dnevnog reda, jednoglasno donijeli

ODLUKU

o prijemu poslanika u stalni radni profesionalni odnos

I

Ljiljana Milićević, poslanik u Predstavničkom domu Parlamentarne skupštine Bosne i Hercegovine, prima se u stalni radni profesionalni odnos, s danom 23.12.2005.godine.

II

Odluka stupa na snagu danom donošenja, a primjenjivat će se od 23.12.2005. godine.

RJEŠENJE

o prijemu poslanika u stalni radni profesionalni odnos

1. Ljiljana Milićević, poslanik u Predstavničkom domu Parlamentarne skupštine Bosne i Hercegovine, prima se u stalni radni profesionalni odnos sa danom 23.12.2005.godine.

2. Rješenje će se primjenjivati od 23.12. 2005.godine.

b) Razmatranje Zahtjeva Mehmeda Žilića za prijem u stalni profesionalni radni odnos

Rasprave o ovoj tački dnevnog reda nije bilo. Prisutni su jednoglasno donijeli

ODLUKU

o prijemu poslanika u stalni radni profesionalni odnos

I

Mehmed Žilić, poslanik u Predstavničkom domu Parlamentarne skupštine Bosne i Hercegovine, prima se u stalni radni profesionalni odnos, s danom 16.1.2006.godine.

II

Odluka stupa na snagu danom donošenja, a primjenjivat će se od 16.1.2006. godine.

i

RJEŠENJE

o prijemu poslanika u stalni radni profesionalni odnos

1. Mehmed Žilić, poslanik u Predstavničkom domu Parlamentarne skupštine Bosne i Hercegovine, prima se u stalni radni profesionalni odnos sa danom 16.1.2006.godine.

2. Rješenje će se primjenjivati od 16.1. 2006.godine.

AD-3 Uvodno izlaganje o ovoj tački dnevnog reda dala je predsjedavajuća sjednicom Senija Kapetanović. Momčilo Novaković podsjetio je prisutne na cilj poslaničkog pitanja, odnosno da poslanik traži da Administrativna komisija Predstavničkog doma Parlamentarne skupštine Bosne i Hercegovine izričito kaže da joj u radu nedostaje Zakon o plaćama u institucijama Bosne i Hercegovine, pa je predložio zaključak, koji bi bio upućen Kolegiju Predstavničkog doma Parlamentarne skupštine Bosne i Hercegovine, a u kojem bi Administrativna komisija navela da zbog složenosti pitanja nije u mogućnosti navesti koji joj sve zakoni nedostaju, ali da joj sigurno, uz ostale, za rad nedostaje ovaj zakon i zakon o pravima i dužnostima poslanika i delegata .

Prisutni su jednoglasno usvojili

I

Administrativna komisija Predstavničkog doma Parlamentarne skupštine Bosne i Hercegovine, na 33. sjednici održanoj 17.1.2006. godine, razmatrala je Dopis Kolegija Predstavničkog doma Parlamentarne skupštine Bosne i Hercegovine, broj: 01-05-1-145-74/05 od 8.11.2005. godine, i konstatirala da zbog kompleksnosti poslaničkog pitanja nije u mogućnosti sagledati koji sve propisi nedostaju za njen nesmetan rad. Sigurno je da su to između ostalih Zakon o plaćama u institucijama Bosne i Hercegovine, kao i Zakon o pravima i dužnostima poslanika i delegata u Parlamentarnoj skupštini Bosne i Hercegovine, a da Administrativna komisija Predstavničkog doma Parlamentarne skupštine Bosne i Hercegovine za rješavanje pitanja iz ove oblasti koristi Odluku o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-188-4a-9/05, od 13. 4. 2005. godine, i Odluku o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-188-4a-9/05, od 13. 4. 2005. godine; broj: 01/7,02/3-50-1-188-3-16/05, od 20.12.2005. godine.

AD-4 Uvodno obrazloženje o ovoj tački dnevnog reda dala je Senija Kapetanović.

Momčilo Novaković rekao je da smatra da Kolegij Administrativne komisije treba dogovoriti sastanak s Kolegijem Predstavničkog doma Parlamentarne skupštine Bosne i Hercegovine.

Majkić Dušanka naglasila je da postoji tačan povod za sastanak s Kolegijem Predstavničkog doma Parlamentarne skupštine Bosne i Hercegovine.

Replicirao je Momčilo Novaković i naglasio da su povod za sastanak bile posljednje odluke Administrativne komisije.

Majkić Dušanka pitala je da li će možda biti potreban zajednički sastanak s obe Komisije s obzirom da su neke odluke donosene na zjedničkoj sjednici Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine.

Prisutni su jednoglasno donijeli

ZAKLJUČAK

Prihvata se inicijativa Kolegija Predstavničkog doma Parlamentarne skupštine Bosne i Hercegovine za održavanje sastanka sa Administrativnom komisijom Predstavničkog doma Parlamentarne skupštine Bosne i Hercegovine.

Zadužuje se Kolegij Administrativne komisije Predstavničkog doma Parlamentarne skupštine Bosne i Hercegovine da dogovori termin održavanja sastanka s Kolegijem Predstavničkog doma Parlamentarne skupštine Bosne i Hercegovine i o njemu u razumnom roku obavijesti sve članove Administrativne komisije.

AD-5 Uvodno obrazloženje o ovoj tački dnevnog reda dala je Senija Kapetanović.

Mubera Ušanović istakla je da je potrebno pristupiti izradi Izvještaja o radu Administrativne komisije Predstavničkog doma Parlamentarne skupštine Bosne i Hercegovine za period 1.7.-31.12.2005. godine.

Jozo Križanović podržao je ovaj stav i rekao da Izvještaj treba raditi prema već ustaljenoj metodologiji i tako što će se unijeti činjenice, a eventualne korekcije bile bi unesene ako bude potrebe nakon održavanja sastanka Administrativne komisije Predstavničkog doma Parlamentarne skupštine Bosne i Hercegovine s Kolegijem Predstavničkog doma Parlamentarne skupštine Bosne i Hercegovine.

Senija Kapetanović predložila je da se za narednu sjednicu Administrativne komisije pripremi nacrt Izvještaja.

Prisutni su jednoglasno donijeli

ZAKLJUČAK

Potrebno je pristupiti izradi nacrtu Izvještaja o radu Administrativne komisije Predstavničkog doma Parlamentarne skupštine Bosne i Hercegovine za period 1.7.-31.12.2005. godine.

AD-6 a) Informacija u vezi s isplatom dnevnica i naknada poslanicima koji koriste sopstveno vozilo u službene svrhe


Rasprave o ovoj tački dnevnog reda nije bilo. Prisutni su jednoglasno usvojili

ZAKLJUČAK

Administrativna komisija Predstavničkog doma Parlamentarne skupštine Bosne i Hercegovine traži da Računovodstvo Parlamentarne skupštine Bosne i Hercegovine dnevnicu i naknade za korištenje privatnog automobila u službene svrhe isplaćuje u roku od sedam dana od dana podnošenja obračuna.

Nakon što je iscrpljen dnevni red, trideset treća sjednica Administrativne komisije Predstavničkog doma Parlamentarne skupštine Bosne i Hercegovine završena je u 11 sati.


Sekretar
Administrativne komisije
Davora Čaplinski


Predsjedavajuća
Administrativne komisije
Senija Kapetanović